

76-ՐԴ ՆԻՍ

27 մարտի 1919թ.

Բացվում է երեկոյան ժ. 9-ին՝ նախագահությամբ *Ա. Սահակյանի*, մինիստրական օթյակում են Մինիստր-նախագահը, ներքին գործերի, արտաքին գործերի և խնամատարության մինիստրների օգնականները:

Ա. Խոնդկարյան - Առաջարկում է նախորդ նիստերում ընդհատված օրինագծերի քննությունը շարունակել՝ նկատի ունենալով, որ այս նիստն արտակարգ չէ:

Նախագահ - Նախագահությունն այս նիստը որոշել է որպես արտակարգ և նշանակել է հատկապես խորհրդարանի ընտրության օրինագծի համար:

Զուբյան - Ես անդամ եմ նախագահության, սակայն միայն նոր եմ իմանում այս նիստի արտակարգ լինելու մասին:

Նախագահ - Պ. Տեր-Խաչատրյան, դուք ինչպես, չգիտե՞ք որ այսօրվա նիստը արտակարգ է:

Գ. Տեր-Խաչատրյան - Ես չեմ իմացել արտակարգ լինելու մասին, սակայն գիտեմ այն, որ այս նիստին պիտի քննվի միայն և միայն խորհրդարանի ընտրության օրինագիծը:

Խոնդկարյան - Ըստ երևույթին նախագահությունն աչառու վերաբերմունք ունի դեպի յուր այս կամ այն անդամը և առհասարակ դեպի խորհրդարանի որոշ ֆրակցիաները: Այդ վերաբերմունքի համար կարող էինք մենք այս նիստին չմասնակցել, սակայն չուզեմալով պրովոկացիաների պատճառ դառնալ, մենք ետ ենք կանչում մեր անդամին նախագահությունից:

Գ. Ազատյան - Մենք ևս մեր ծայրը միացնում ենք էսեռների բողոքին, քանի որ Զուբյանի նախագահության կազմի մեջ մտնելու առաջարկը մենք ևս պաշտպանում ենք:

Ա. Խաչատրյան - Օրենսդրական հանձնաժողովի կողմից զեկուցում է խորհրդարանի ընտրության օրինագծի մասին:

Օրինագիծը ռուսական սահմանադիր ժողովի ընտրության օրենքն է՝ համապատասխան փոփոխություն կատարած, ուստի և զեկուցողը հարց է տալիս խորհրդարանին՝ կարդալ ամբողջ օրինագիծը, թե՛ միայն այն հոդվածները, որ փոփոխության են ենթարկված:

Այդ միջոցին դահլիճ է մտնում Փարիզի խաղաղարար կոնֆերանսի անդամ, ամերիկացի կապիտան պ. Խաչատրյան:

Նախագահ - Առաջարկում է ողջունել մեծ պետության ներկայացուցչին:

Դահլիճը ծափերով ողջունում է պ. Խաչատրյանին, բացի ծախակողմից:

Ա. Խաչատրյան - Ի պատասխան նախագահի ողջույնի ճառի ասում է հետևյալը.

«Չնայած Ամերիկա աշխարհագրական դիրքով հեռու ընկած է, սակայն նա շատ մոտիկ կզգա իրեն հային: Նա գիտե հայերու կրած բռնություններու, տանջանքներու ու կոտորածներու պատմությունը, նա շատ հոգատար է այժմ դեպի Չայաստանը, որին բախտը արդեն կարծես թե սկսել է ժպտալ, ճիշտ այնպես, որպես փոթորկալի անձրևեն ետքը գունագեղ ծիածանը կսկսե կամարակալել երկնքին երեսովը:

Ես ինձ շատ բախտավոր կզգամ, քանի որ առաջին անգամն է, որ Չայաստանի խորհրդարանում եմ գտնվում»:

Գ. Տեր-Խաչատրյան - Կարիք չկա ամբողջ օրինագիծը կարդալ, բավական է միայն փոփոխելի հոդվածների ընթերցումը:

Գ. Ազատյան - Առաջարկում է օրինագիծն ամբողջությամբ, գոնե երկու ընթերցումով, լսել:

Գ. Բուդաղյան - Հանձնաժողովների և կառավարության արած փոփոխությունները կարդալ և դրանով բավականանալ:

Նկատի ունենալով, որ ֆրակցիաներից մեկը (սոց[ցիալ]-դեմ[ոկրատիական]) պնդում է յուր առաջարկության վրա, որոշվում է առանց քվեարկության անցնել օրինագծի ամբողջական ընթերցմանը:

Վեճ է առաջացնում զորքի մասնակցության հարցը: Որոշվում է թույլ չտալ զորքին՝ մասնակցելու խորհրդարանի ընտրություններին: Ուշ լինելու պատճառով որոշվում է վաղը ժ. 12-ին ցերեկվա նիստ գումարել՝ շարունակելու օրինագծի ընթերցումը:

Մինիստր-նախագահ - Հայտարարում է, որ զորական մինիստր Հախվերդյանը թողել է իր պաշտոնը, նրա փոխարեն հրավիրված է գնդապետ, այսօր մինիստրական խորհրդում գեներալի աստիճանի արժանացած, Արարատյանը, օգնականներ՝ գեներալ Սիլիկյան և Դրո:

Նիստը փակվեց գիշերվա ժ. 12-ին:

«Հայաստանի աշխատավոր», 9 ապրիլի 1919թ.

77-ՐԴ ՆԻՍ

28 մարտի 1919թ., ցերեկ

Նիստը բացվում է ցերեկվա ժամը 12-ին՝ նախագահությամբ *Ա. Սահակյանի*:

Ա. Խաչատրյան - Շարունակում է օրինագծի (խորհրդարանի ընտրության) ընթերցումը:

Նիստը փակվեց ցերեկ. ժ. 3-ին:

«Հայաստանի աշխատավոր», 9 ապրիլի 1919թ.

78-ՐԴ ՆԻՍ

28 մարտի 1919թ., երեկոյան

Նիստը բացվում է երեկոյան ժ. 6-ին՝ նախագահությամբ *Ա. Սահակյանի* մի-
նիստրական օթյակում են՝ Մինիստր-նախագահ, ներքին գործերի, խնամատա-
րության մինիստրները և ներքին գործերի ու խնամատարության մինիստրների
օգնականները:

Ա. Խաչատրյան - Շարունակում է օրինագծի ընթերցումը:

Որոշվում է ընտրությունները նշանակել հունիսի 21-ին, 22-ին և 23-ին:
Կենտրոնական հանձնաժողովի (ընտրության վերաբերմամբ) նախագահ ընտր-
վեց պատգ. Ա. Խաչատրյանը:

Նիստը փակվեց գիշերվա ժ. 12-ին:

«Հայաստանի աշխատավոր», թիվ 40: 9 ապրիլի 1919թ.

79-ՐԴ ՆԻՍ

29 մարտի 1919թ.

Նիստը բացվում է երեկոյան ժ. 8-ին՝ նախագահությամբ *Ա. Սահակյանի*.
մինիստրական օթյակում են՝ Մինիստր-նախագահի պաշտոնակատարը, արտա-
քին գործոց, խնամատարության, պարենավորման, զորական, ֆինանսների, լու-
սավորության մինիստրները, ներքին գործոց մինիստրի պաշտոնակատարը և
լուսավորության, ներքին գործոց ու խնամատարության մինիստրների օգնա-
կանները:

Մինիստր-նախագահի պաշտոնակատար - Ձեկուցում է գեմ. Տոմսոնի հետ
կառավարության ունեցած տեսակցության և մտքերի փոխանակության մասին:

Ֆինանսների մինիստր - Ձեկուցելու էր պետության ֆինանսական վիճակի
մասին, սակայն նկատի ունենալով, որ շատ ուշ է հայտնված իրեն այդ մասին,
ներողություն է խնդրում, անկարող է այժմ մի որոշ բան ասել և խոստանում է մի
շաբաթից հետո տալ հիշյալ նյութի մասին զեկուցում:

Վ. Տեր-Թորոսյան - Ձեկուցում է սերմացու գնելու համար պարենավորման
մինիստրի անունով 50 միլիոն ռուբլու վարկ բանալու օրինագծի մասին:

Պարենավորման մինիստր - Տալիս է տեղեկություններ սերմացուի կարիքի,
ունեցած քանակի մասին և շեշտում այն հանգամանքը, որ մինիստրությունը
ստանում է բազմաթիվ դիմումներ զանազան շրջաններից, որոնցով խնդրում են
սերմացու կամ փող՝ տեղերում սերմացու գնելու համար:

Մինիստրի առաջարկով օրինագիծը քննվում է շտապողաբար:

Խոսում են՝ *Ալ. Մելիք-Աղաջանյան, Եփ. Սարգսյան, և Ա. Խոնդկարյան*. Բոլորն
էլ շեշտում են այն, որ սերմացուի հարցը ուշացել է. այժմ նպատակահարմար է
փող բաժանել՝ տեղերում շտապողաբար սերմացու ձեռք բերելու և խրախուսել
բանջարաբուծությունը՝ գետինը անմշակ չթողնելու համար:

Դ. Տեր-Հակոբյան - Չզոհման ու ուշացման մեջ մեղադրում է մինիստրության
պաշտոն ստանձնած անձանց, որոնք երկար չեն մնում պաշտոնի մեջ և այդ
պատճառով պարեն. մինիստրությունը հարափոփոխ ընթացքի մեջ չի կարո-
ղանում ուշադրության կենտրոններ ունենալ:

Պարենավորման մինիստր - Չնայած ուշացրել ենք, բայց չպիտի շեշտել այդ
հանգամանքը և առաջ բերել դժվարություններ: Թիֆլիսում գնել ենք արդեն բան-
ջարեղենի սերմեր: Նույն տեղում կազմված կա պարենավորման հանձնախումբ
հինգ հոգուց բաղկացած, որոնց տրվում է վարձատրություն:

Երկրագործական բաժնի վարիչ - Արդարանում է իր և յուր բաժանմունքի վրա
սերմացուի խնդրում բարդած մեղադրանքներից:

Ընդհանուր հիմունքների մասին վիճաբանությունը վերջանում է և խորհր-
դարանն անցնում է օրինագծի կետ առ կետ ընթերցմանը:

Գ-րդ ընթերցումով ընդունվում և հանձնվում է խմբագրական հանձնաժողովի:

Վ. Տեր-Թորոսյան - Ձեկուցում է Թիֆլիսի Հայ ազգային խորհրդին կից փոստ-
հեռագրական սեկցիայի հինգ անդամներին ռոճիկ տալու համար ՆԳ մինիստրի
անունով 15.000 ռուբլու վարկ բանալու օրինագծի մասին:

Օրինագիծն ընդունվում է և վերջնականապես հաստատվում:

Նիստը փակվեց գիշերվա ժ. 12-ին:

«Հայաստանի աշխատավոր», 11 ապրիլի 1919թ.

80-ՐԴ ՆԻՍ

31 մարտի 1919թ.

Բացվում է երեկոյան ժ. 8 անց կեսին՝ նախագահությամբ *Սահակյանի*. մի-
նիստրական օթյակում են՝ Մինիստր-նախագահի պաշտոնակատարը, ՆԳ մինիս-
տրի պաշտոնակատարը և խնամատարության մինիստրի օգնականը:

Արվում են պառլամենտի ընտրության օրինագծի վերաբերմամբ փոփոխու-
թյուններ, որից հետո օրինագիծն ամբողջությամբ քվեարկվում է և միաձայն
ընդունվում:

Օրենքն ուժի մեջ է մտնում 1919թ. ապրիլի 1-ից: Հենց վաղվանից պիտի
տպագրվի ռուսերեն, իսկ հայերեն թարգմանությունը հանձնվում է խմբագրական
հանձնաժողովին և խորհրդարանի նախագահությանը:

Նիստը փակվեց գիշերվա ժ. 10-ին:

«Հայաստանի աշխատավոր», 13 ապրիլի 1919թ.

81-ՐԴ ՆԻՍ

1 ապրիլի 1919թ.

Հայաստանի խորհրդարանի ապրիլի 1-ի նիստում քննարկվել և ընդունվել է
օրենք համաշխարհային պատերազմից հայ ժողովրդի կրած վնասների քննիչ
հանձնաժողովին օժանդակելու մասին:

ՀԱԱ, ֆ.200, ց. 1, գ.86, ք 29: Տպագրական օրինակ:

82-ՐԴ ՆԻՍ

3 ապրիլի 1919թ.

Բացվում է երեկոյան ժ. 8 և կեսին՝ նախագահությամբ *Սահակյանի*:

Մինիստրական օթյակում են՝ Մինիստր-նախագահը, ներքին գործոց, խնա-
մատարության և իրավարարության մինիստրները, խնամատարության ու ներքին
գործոց մինիստրների օգնականներն ու զորական մինիստրի օգնական Դրոն:

Խնամ. մին. - Նկարագրում է այն քառասյին վիճակը, որի մեջ եղել է խնամա-
տարության մինիստրությունն իրենից առաջ և շեշտում այն գործունեությունն ու
աշխատանքը, որին ձեռնարկել է ինքը մինիստրությունը կարգավորելու և աշխա-
տանքը արդյունավոր դարձնելու համար:

Բժ. Գրո - Ձեկուցում է սպասվող համաճարակ հիվանդությունների դեմ կռ-
վելու համար խնամատարության մինիստրի անունով 3 միլ. վարկ բանալու օրի-
նագծի մասին:

Դ. Ազատյան - Հիմնվելով մինիստրի տված տեղեկությունների ու փաստերի
վրա, քննադատում է խնամատարության մինիստրությունը և առաջարկում է փո-

* Հայաստանի պառլամենտի ընտրությունների մասին օրենքը տես հավելվածում: Ծանոթ.
կազմ.:

խել այն ամբողջապես: Այդ դեպքում միայն իրենց ֆրակցիան կհամաձայնի բանալ առաջարկված վարկը:

ԽՆՆԱՄ. միՆ. - Հակաճառում է Ազատյանին և շեշտում այն, որ միմիստրությունը քառսային դրության մեջ լինելու երևույթը առաջ է եկել ոչ թե անձնավորությունների անպարտաճանաչությունից, այլ օբյեկտիվ պայմաններից, որ ուրիշ լավ դրություն չէին կարող ստեղծել:

Ա. Խոնդկարյան - Նույնպես քննադատում է միմիստրության ու միմիստրի ճանրը և դուրս բերում այն եզրակացությունը, որ քանի դեռ միմիստրության մեջ դրությունը նույնությամբ կշարունակվի՝ իրենք դեմ կլինեն նոր վարկի:

Օրինագիծը քվեարկությամբ ընդունվում է և վերջնականապես հաստատվում:

Իրավ. միՆ. - Ձեկուցում է ա) կարևոր գործերի մի երկրորդ քննիչ ունենալու, բ) նոր բացվող հաշտարար դատարանների դատավորների ու քննիչների և սրանց զրասենյակները կահավորելու համար ընդունված նորմայով վարկ բանալու օրինագծերի մասին:

Օրինագծերը շտապողաբար ընդունվում են և վերջնականապես հաստատվում:

Նիստը փակվեց գիշերվա ժ. 12-ին:

«Հայաստանի աշխատավոր», 20 ապրիլի 1919թ.

83-րդ ՆԻՍ

4 ապրիլի 1919թ.

Հայաստանի Խորհրդարանի ապրիլի 4-ի նիստում քննարկվել և ընդունվել են օրենքներ. ա) Հայաստանի Հանրապետության բանտարկյալների սննդադրամը ավելացնելու մասին, բ) Տաճանակիր աշխատանքի դատապարտված Աղաբեկ Մահմեդ Ֆեյզուլլա-օղլու պատիժը մեղմացնելու մասին, գ) Տաճանակիր աշխատանքի դատապարտված Սերոբ Մարգարյանի պատիժը մեղմացնելու մասին, դ) Տաճանակիր աշխատանքի դատապարտված Լյուդվիգ Հովհաննիսյանի ներման մասին, ե) Տաճանակիր աշխատանքի դատապարտված եղբայրներ Ջավադ, Չևրոզ և Արմենակ Դարբինյանցների ներման մասին:

ՀԱԱ, ֆ.200, ց. 1, գ.86, ք 28-30: Տպագրական օրինակ:

84-րդ ՆԻՍ

8 ապրիլի 1919թ.

Հայաստանի Խորհրդարանի ապրիլի 8-ի նիստում քննարկվել և ընդունվել են օրենքներ. ա) Արտաքին գործոց նախարարության նախահաշվի հողվածի փոփոխման մասին, բ) Արտաքին գործոց նախարարության նախահաշվի փոփոխման մասին, գ) Խնամատարության նախարարությունը Խնամատարության և աշխատանքի նախարարության վերածելու մասին, դ) Ակցիզային կանոնադրության 488, 508 և 23 հոդվածները վերացնելու մասին:

ՀԱԱ, ֆ.200, ց. 1, գ.86, ք 30-31: Տպագրական օրինակ:

85-րդ ՆԻՍ

11 ապրիլի 1919թ.

Երևան, ապր. 11.- Պառլամենտը ծայների մեծամասնությամբ չի ընդունել Միմիստր-նախագահ Քաջագունու հրաժարականը, որ պատճառաբանված էր հոգնածությամբ: Դաշնակցական, ժողովրդական և թուրք ֆրակցիաների առաջարկով Միմիստր-նախագահին տրվել է երկարատև արձակուրդ: Նույն նիստում պառլամենտը Հ. Սպենդիարյանին հաստատել է դատաստանական պալատի նախագահի պաշտոնում, իսկ Լեսկովին՝ նույն պալատի անդամ: Պառլամենտը հաստատել է Պոլսի մեր դիվանագիտական ներկայացուցչության նախահաշիվը 1919թ. համար 125.000 ռ., ընդունվել է ֆինանսների միմիստրի օրինագիծը՝ պետական պաշտոնյաներին հավելյալ մի ամսվա ռոճիկ տալու մասին, բայց հունվարից հետո պաշտոնի անցած մարդիկ պիտի ավելի քիչ ստանան տոկոսային հաշվով, ի նկատի ունենալով ծառայության ժամանակը: Օրինագիծը վերաբերում է նաև սպաներին, զինվորներին, դասային աստիճանավորներին, գթության քույրերին և գործող դպրոցների դասատուներին: Ընդունվեց և քաղաքացիական մասի պաշտոնյաներին, որոնք հիվանդացել են տարափոխիկ հիվանդություններով, միանվագ հատկացնել 750 ռ., իսկ մեռածների ընտանիքներին՝ 1.000: Այդ նպատակով Միմիստր-նախագահին հատկացվելու է 150.000 ռ. և նպաստը տրվելու է համապատասխան միմիստրների առաջարկով:

Սոց. դեմոկրատական ֆրակցիայի հարցմանը, որ վերաբերում էր Հայաստանում ստացած մազուքի գողության, ներքին գործոց միմիստրի օգնական Մանասյանը հայտարարեց, որ առայժմ պարզված է մի ցիստերն մազուքի պակաս, որի պատճառով ինժ. Մալխասյանը հեռացված է պաշտոնից և պատասխանատվության է կանչվել: Հետագա քննությունը կպարզի, թե արդյոք գողություն է կատարվել, թե՞ զանազան հանգամանքներից ստիպված ինժ. Մալխասյանը մազուքը հանձնել է վրաց իշխանության:

«Հայաստանի աշխատավոր», 16 ապրիլի 1919թ.

86-րդ ՆԻՍ

27 ապրիլի 1919թ.

Հայաստանի Խորհրդարանի արձակուրդը
Հայաստանի Խորհրդի ամսոյս 27-ի նիստին, 4 ժամյա վիճաբանություններ են ետքը, որոշվեցավ մեկ ամիս արձակուրդ տալ Խորհրդին՝ անոր իրավունքները վերապահելով կառավարության: Քվեարկության ատեն էտե և էտեկ ֆրակցիաները դուրս ելան նիստեն, իսկ մյուս երեք ֆրակցիաները միաձայնությամբ ընդունեցին հիշյալ որոշումը:

«Աշխատանք», 29 ապրիլի 1919թ.